



兩當軒詩鈔卷之三

武進

黃景仁

仲則著

長寧

趙希璜

渭川校

山鏢

自離小溪來趨途又廿里未覺我行疾因悅山水美山非極  
高水非深無一直處方耐尋人家半透白雲塢嵐翠間染桃  
花林是時春殘夏將續百舌聲枯兩鳩逐不知身入濃陰間  
但覺逢人鬢鬢綠畫圖此景見亦無那得更徙全家居桑麻  
底用思杜曲雞犬或恐猶秦餘傳聞此鄉人十有九作賈溪  
山如此不思歸覓得錢刀亦何補沙邊少婦來浣衣禪子自  
守林間扉小橋道我入村去飽飯再逐溪雲飛

兩當軒詩鈔

卷三

一

浴湯泉

黃山湯泉天下無神竇養自天荒初帝憐末世物疵癘故遣  
晚出天之都百靈湯沐此焉在金支翠羽羣來趨騰烟結蓋  
護氣毋潛火立熾蒸地腴軒皇昇去丹液在一任裸濯來凡  
愚東南况復地卑濕已疴起痼能無需旁兼穴汎潮熯冨下  
迸珠縷衝肌膚不遣日月燭靈燿風輪細碾金沙鋪我來正  
值春雨後桃花涉漲方縈紆伐毛洗髓欠福命塵土腸胃聊  
湔除須臾漿變五色液宛轉露結三危珠我生何幸一相值  
便欲移傍茲泉居側聞他處九十九碗黃礬石源非殊驪山  
禍水不足道或供爛烏堪遊魚山圖方乘空藉藉得名雖後  
庸傷乎欲叩斯理終茫如徑欲手曳咨成裾問渠乞得縮地

法看此狡獪洪鈞爐

夜從慈光寺步至茅蓬庵再浴湯泉

羣峭森積蹙古壁暗光射耳受萬瀑聲神清不離舍披衣踏  
嶺行磴滑絮雲藉陰口逗全墨塌塞羅萬榭佛燈引半巖老  
僧遠相迂屋後泉氣蒸再沐及清夜暖觸囊仰甌膩捫乳滴  
罅瘳痼去無賸醅釀嗅非乍振衣崖千尋骨冷付烟化亮無  
雲中人及此整風駕

慈光寺前明鄭貴妃賜袈裟歌

山僧篝火登佛樓發篋示我前朝物水网一龔鏤彩成光燄  
至今猶未歇嶺猿睥睨山禽驚想見一騎中官擎當時佞佛  
成闢教九蓮衍得椒房名昭華寵古六官冠十方寺建誰能

兩當軒詩鈔

卷三

二

爭是日君心眷如意宛轉星前誓神器人看幻海得陰氛可  
奈廷臣與家事神廟移歸玉合空百劫難消盡餘字從可添  
絲繡佛龕誰教結習猶耽耽漸報口羣起河北尙聞蘆稅賜  
淮南轉眼身肥不能走賊前請命嗟何有可憐佛遠呼不聞  
有福祈來付杯酒洛陽宮殿安在哉珠襦玉匣飛成灰猶餘  
此物鎮初地空山閱得滄桑來君不見南朝三百六十寺至  
今一一荒烟裏又不見蕭梁同泰何崔巍朝聞舍身夕被圍  
銅駝荆棘尋常見何論區區一衲衣

由慈光寺至老人峯

孤發靡有極出寺鐘送響始徑祇壁立巖棧漸蛇枉一泉噴  
岩下陰澗走湜瀆餘支忽橫漫繭足破之上瞋眩心搖旌飄

簸谷張網離合羣峯形巨力擘靈掌行行避攫拏境境得恂  
慌託命藤繫石靡瞰匪干丈怯氣凝慮併道心忘我長百悟  
羅英蒼羣妙展眈蕩元關且寐窮中勢無息壤夏哉雲中觀  
彌空有餘仰

文殊院

地接諸天近山經萬劫空丹砂仙火外山鬼佛光中倏忽雲  
霞相微茫斧鑿功人間定何世離立轉忡忡

白猿

黃山白猿千年物出沒無時不知穴裏身只借千巖雲瘴饑  
惟餐太古雪老僧誦號至夜分下塔看天猿在門呼之下來  
近不避元元默默西來意曉來乃在蓮峰頭忽復吟聲隔迢  
兩當軒詩鈔卷二  
翠遊人千百少一逢應知只在茲山中山空日暮無可託我  
欲拾橡來相從

題文殊院

悟來千嶂失嶙峋是象俱含太古春每見孤花山意露偶聽  
幽梵夜心真雲霞境幻全宜佛魑魅形空不喜人招手諸天  
容借問此間曾轉幾迴輪

山中見月

三更方見月身在亂峰中音樂烏啼夜柎檀香布空塵心雲  
縷滅人語谷聲通不寐尋幽去山深未可窮

天都峯

昔遊厭培塿離地苦不高抱此十年志乃與茲峯遭天風捲

遊袂羣峭爭來朝地軸昔傾折屹立支崇標一障東南山不  
遣隨海濤陽支與陰脉散衍如牛毛匡廬及天目得一皆自  
豪開鑿此最後靈秘常中韜藏景達休彩夜夜燭斗杓誰遣  
浮邱徒挈袖來遊邀精氣盜已盡所贖柏與糟真宰一上訴  
許與人氣交茲峯獨峻絕一力當青霄太古積霞氣鬱作青  
精苗世人不能採採之壽松喬嗟嗟含生儔膏火紛煎熬孤  
心入卑視八表何寥寥

### 黃山松歌

黟山三十有六峯峯峯石骨峯峯松有時松石不可辨一理  
交化千年中丹砂虎珀共胎孕亭亭上結朱霞封人言松相  
遜石相卽以松論何能窮沐日浴月暈蒼翠苔色散點周秦  
兩當軒詩鈔 卷三

四

銅葦蕤上偃雨君蓋糾結下固蚪靈宮鱗張鬣縮爪入肉萬  
劫避過雷火攻昔觀圖畫訝未見到眼更覺拙無功懸崖嵌  
峒不知數莘莘縱縱皆鬼工及至觸手膏溢節極瘦駁處春  
華同清泉洗根瀉泐漭瑤草分潤生蒙茸翻嫌石相竒太過  
相助爲理論始公青牛伏龜不可得幾輩對此顏如童明當  
遍覓茯苓去短鋤碎刷干芙蓉

### 小心坡

世險不到處茲坡名小心側棧受半履石滑不可任上嶺怒  
欲壓下有無窮深削壁絕捫據長雲蕩其陰飛空苦無具至  
此毛髮森人言小心度我以無心臨同遊少人色牛喘隨汗  
淋對之忽大笑割然搔井參山靈喜顏色樂奏來仙禽提心

一跌坐萬籟何沉沉

遇雨止雲谷寺

暈日暗東嶺慘霧忽上蒸中途遂雷雨寸步迷峻嶒電光得  
峯竅萬道金蛇騰側身進虎隊徹骨寒生稜雲根積霽暄石  
髮枯鬚髯縱有亥豎足欲展嗟何能同隊匿咫尺千喚不一  
層屏翳稍却怒漸放重巒層匿者乃四出迎客來山僧扶曳  
逗靈刹快得樓牕凭驚傳適來處已有懸崖崩

齋厨來蔬果茗味更清絕老僧喜相告幸未山水發徃年梅  
雨多嶺逕每漂沒崖巔田數畝衝入萬丈窟間有樵蕪人焉  
能辨存歿聞言笑謝之母爲詫咄咄如此名山中豈受征夫  
骨不禱得神庇我心滋臬碗衣薄深山寒且與煨榾柮

兩當軒詩鈔

卷三

五

鋪海

海因雲得名雲在海亦在雲空海更空轉瞬已遷改甫看膚  
寸條滿天幻境萬萬還千千須臾千萬合爲一呼仙卽仙佛  
卽佛迷離寶盼三神山縹緲虛無現旋沒返照一縷衝波開  
彩翠鈿鏤金銀臺初疑百萬玉鯨鬪闌入一道長虹來元元  
默默坐相對真宰茫茫竟何在輕風吹合復吹開白衣蒼狗  
須臾態我欲雲門峯化爲并州刀持登天都最高頂亂剪白  
雲鋪絮袍無聲無響空中拋被遍寒士無寒號英英蒼蒼出  
山谷何用浸空作竒譎

黃山尋益然和尚塔不得借邵二雲作

眼界徹上下忠義不可逃大覺上下乘立脚宜堅牢明季益

然師大節邱山高風業更奇慧四大窮秋毫偶然俯塵世怨  
水流滔滔置身君父間窮數百六遭二十舉孝廉撫事心切  
切憤此蛾子蠢發篋窮豹韜永嘉渡倉卒內難紛如鼉首禍  
知不遠手少尺柄操傾家結流亡破膽同煎熬枕睦越嶠戶  
浙水爲長濠一一聚晝籌夜卧常枕敬建業一失守奮呼駭  
霜虜思文入汀滄透應鳴金罄草間拜郎爵轉戰折戟戮一  
舉事不成天命堪哀誓揚帆度浙海草草揮旌旄軍中授司  
馬慷慨君恩叨左支復右紬絲盡不可縑填海有精衛負陸  
無巨鼇膠舟再淪覆隻影竄棘蒿全身入西竺從此離塵囂  
誅茅吳山顛樾黑峯柳嘈瘡癩洗澗瀑劍術教猿猱夜誦感  
石裂泉聲應嘈嘈接食鳥入手食罷仍翔翔靈事難宣述一

兩當軒詩鈔

卷三

六

一傳無惜從子故鄉來短衣縛祗裯迎迎返黃海卓錫觀雲  
濤中途與相約歸可語兒曹五日當過我相待留濁膠如期  
衆事集詩意悲且豪長歌以當哭歌肯擬楚騷歌罷起如室  
衆意皆驚慄排闥入迫視跌坐衣垂繚呼之已圓寂是日風  
怒號掛壁何所有血汗留戰袍始知西來肯成佛不放刁樸  
實得頭地可與羣魔鏖低眉與努目一理事不勞感激壯士  
心聞者皆悲號會傳瘞塔所卽在茲山臯萬索不可得但見  
狐狸嗥嗟嗟長虹氣深閉林檎慘空山一俯仰薦爾無溪毛  
別松上人

千峯跌坐處而我一相尋了了解人意空空入道心觸屏知  
虎脊震榻是龍吟相失名山去塵緣愧我深

池陽寫望

池陽山水窟石城鬱崇隆濱江隕我馬下瀨多艱幢曲派作  
過客飛破吳雲空東入緬邈國西上披雄風我昔倦過之浪  
卷無留踪冰霜積彌抱寒暑感鬱中後此枉浦棹遲理高齋  
桐九子想黃隱陵陽羨寶冲服食未能遂名理亮可窮弋人  
視藪澤焉測冥飛鴻

池陽杜牧祠

登徒好色馬卿消黃絹清歌響未遙我讀先生燕將錄鬢絲  
禪榻太無聊

風光秋浦占江南小隊行春駐錦驂恰惜數年賢刺史只留  
餘種媚朱三

兩當軒詩鈔

卷三

七

秋浦懷李白

爲愛池魚美停車又幾時如何我行處每見爾題詩花發清  
溪館苔荒苦竹祠青天明月在何處不相思

寄懷顧文子

縱酒酣嬉日分明擬向禽牛因行路苦一阻愛山心以我營  
巢拙憐君入世深惟將小山桂珍護待重尋

寫懷

望古心長人世疎魯戈難返歲云徂好名尚有無窮業力學  
真愁不盡書華思半經消月露綺懷微懶註蠹魚如何辛苦  
爲詩後轉盼前人總不如

昭明太子祠

高薨出林阜云祀蕭德施相傳昔經此食魚而美之池水以  
得名今以魚薦祠父老沿此說真謬且無稽我思青宮賢峻  
皎玉雪姿溫恭出至性聰敏秉夙資豈惟藝林鑑斯文仰在  
茲木鷲乃遭謗憂患天年移嗟嗟明哲嗣天豈歸練兒留待  
短狐輩覆滅蘭陵基臺城及元圃荒址無人知此間緬遺蹟  
千載馨香貽簫鼓集村賽可笑亦可思日暮人四散水風颯  
靈旌

池口

年時泊池口未上卸帆亭風不如前宿雲山感再經波流五  
溪合天接九華青明發重尋勝扁舟未可停

池陽寫望

兩當軒詩鈔

卷三

八

弔古憂生蒼莽間識舟亭畔此躋攀江湖白人三更夢吳楚  
青爭兩岸山帝子魂歸高閣聳侍中血汗斷磯殷無愁只有  
清溪水緩載菱歌日暮還

苦雨

江南本兩產江上更多風霧黯梅根冷寒侵箬葉蓬沙蟲綠  
樹上洲鳥浴溪通日日懋疑望鄉書滯遠筒

邵二雲自江上歸餘姚

去年紅藥翻階時誦君曲江新賦詩文人海內手加額我曹  
讀書宜勉之景星祥鳳一燦爛幾日間君已投散生平絕少  
御李緣亦向空山佇長歎江南山水天下聞君昨來看山下  
雲山因君至出生面我亦因山得識君六經泥蟠久丁厄奇

書二酉不可覓靈魚躍出秦灰來一髮千鈞著書責遊山讀  
書歲月寬天意待君殊未慳玉堂回首付餘子我爲扼腕君  
開顏蓬樞經風未能住日夕同馳陌頭路籃輿前後苦吟聲  
道上兒童笑相覷爲言昔別春明門道旁送者無一人朗吟  
襍被上車去衣上薄汗長安塵歸來浣向姚江浦江水澄清  
猶似許四明環翠撲人來從此攤書作山主未能無別送將  
行此去名山信有靈下風傾耳聽消息倘爲蒼生一動情

齊山

山形如踞虎下就清溪飲攀竒落波光古院壓其傾客來羣  
微亭沿山水淪淪紆逕入幽峭五月寒已甚雲根極盤礴挾  
我快踣躡遍崖多銘鐫剝膚山應瘦日光眩苔色欲讀不可  
兩當軒詩鈔卷三

九

審細昔賢刺史文彩爛雲錦飛泉響石間日日對高枕山乃  
因人名餘韻勞結恁望江躋其巔長風吹懍懍那得此巨流  
一瀉作墨瀋潑寫山川竒後見皆歛在

望華亭

日晡携酒上危亭亭外雲巒接杳冥送客五溪聲入座邀人  
九子羣依樞山因當路名增重我到憑欄眼已青多少征夫  
掉頭去獨將顏色助山靈

發一宿庵

曾聞絕頂接天梯幾疊烟嵐望已迷得意總忘山遠近但行  
不問路東西飄蕭洞氣成飛雨冥漠丹根護紫泥空自笑人  
巖畔月有山如此不幽棲

遊九華山放歌

昔行江上望窄巖船頭撫髀復雀躍向山手指十幅篷可惜  
風利不得泊當時送迎百里餘了了望見高真居如何今日  
及山麓雲塞反使山有無平岡行阜經畧盡路險心知入佳  
境千尋未上氣已吞一步猶餘力加猛琅玕芝肉夾道生奇  
峯削壁森成城疑神疑鬼呼欲出口竟但可以石名半山尚  
有雲漫白絕頂空青表開闢雲來撻壑如有聲雲去翻空已  
無跡此時望江江渺然鵝毛一白粘遙天時移境換迭相望  
心空股栗神魂遷新羅老衲浮海至一千年來占王氣騎鯨  
主薄跡亦留仙佛爭靈有興替朝鐘暮鼓聲殷雷翠微光薄  
金碧堆只有青蓮讀書屋至今基址荒蒼苔才人身後偏蕭  
兩當軒詩鈔卷三

十

索有句通神不驚俗誰知舉筆點竄間已使名山擅名目天

臺一號誰分更

俗分山之半爲天臺

我欲削之言苦輕世無其人山亦

晦山意待我如含情峰雖呼九析有百齒菡萏將開手生孽銀

河倒掛綠水來碎滲翁翁碧虛色混茫陸海無津涯無何有

鄉真我家風吹離地倘尺五著手便可捫匏瓜更令海水添

一線此山便與蓬萊見誰教相植塵寰中時復尋常出真面

有幸不幸何足云下界口口尤紛紛我雖置身得高處俛視

尚有雲中君自有此山遊幾輩幸及登臨百年內且可聽吹

子晉笙不須更灑羊公淚

客齋偶成

到處蝸廬感滯淹曉涼差喜去朱爰一牀故紙風聲急半榻

虛塵日影暹水部窮鳥空有賦長沙野鳥不須占轉窻漸及  
槐陰午好整浮生付異甜

夜起

夏口難忘念詎燭寶刀閒拍未成眠君平與世原交棗叔夜  
于仙已絕綠入夢敢忘舟在壑浮名拚換酒如泉祖生自愛  
中宵舞不爲聞雞要着鞭

宣城雜詩

興闌罷飛酌延眺北郭外謝公送客處閒雲捲冠蓋水入西  
江流山與淮南對聚散成古今此意幾人會日暮清吹來天  
空響遙巖

古有陵陽子乘龍人雲嶠安得百丈絲續此碧溪釣溪水清  
兩當軒詩鈔卷三

卷三

十一

若鑑頰顏怯孤照藥餌詎可于躁進引心燒不見魚服訴亦  
使豫且笑得失皆等閒束身任馳驅

溪山信紛鬱文藻昔已滿皆云內史賢結邀青雲伴雙旌來  
五馬玉簫兼象管隨風捲清遊流韻諧咸瑄如何逮我來音  
塵杳淒斷青草一尺長下沒功曹館秋蝶烟際飛宵螢雨餘  
散感此行路歌促節不能緩

飛樓湧疊嶂迴麓明迴沙一酌宛溪水再詠宣城花鎮重有  
亭堦堞古無鈺箏樓泊偶有歎曠覽能無誇苦愛敬亭色淹  
旬未思家寄言二三子歲晚方脂車

重至當塗懷稚存

三間瓦屋屨東頭與爾曾爲晏歲留鶴怨猿啼新別恨塵封

蛛網再來愁關心几樹消前劫滿眼雲山感舊遊絕意絲專  
滲鹽跛東歸空羨季鷹舟

相對嘗爲嘆惜行更經離索想生平六棺未葬悲元振

雅存  
歸營

奔事一刺空磨歎禍衡忍使桑榆乖色養誤將書劍換浮名乾  
坤祇許閒鷗鷺與話烟波浩蕩情

### 山樓夜起

松根綠蘿遙結屋屋外蕭蕭響深竹梢千疊萬疊山口口  
風聲起空谷金沙老僧何處尋曷不要至譚夜深夜深獨抱  
嵐氣宿有夢那得離孤衾

### 夜宿中峯和洪稚存

僧宇結巖罅一院百其級到門白蝠飛窺火蒼鼠立坐久百  
兩當軒詩鈔卷三

十一

谷陰凜冽破牕入流楚帶雨沉潛蚪歛聲集嗒然面壁卧精  
鶩雷電及一靜息百勞隨身臙呼吸到耳稍猿呼入夢或樵  
揖飯香腸吼聲寒退膚平粒了見峯壓檐萬翠成一濕避世  
此最佳何異百蟲蟄欣然語緇衣竹閣勤補葺他年借石床  
今方作遊急

### 題黃荆榻寺壁

接引禪關古道隣一宵借榻亦前因鐘聲只和車前鐸鉢水  
難清陌上塵題壁故人誰待我

壁有岳  
仲子詩

視塗老僕苦催人雲

山如畫人如織未必空王不愴神

### 大造

大造視羣生各如抱中兒非因果哀樂亦自爲笑啼阿保縱

解意那得無啼時當饑幸一飽心已不在饑誰知登崇山足  
土固不離豪士或見此秋氣旋乘之觸物感斯集不知何事  
悲恫恫百年盡俛首歸汗泥精氣生已洩那有魂相隨簞枉  
而過正亦受前賢強我慕魯仲連閱世同兒嬉見首不見尾  
焉能贊一辭

烈士行

諧樂無疾奏清讌無急觴若論壯士志瀕洞爲中腸剖擲當  
君前中有一寸霜擊衣呼豫讓向風勿田光交者不利身差  
勝輕薄行微軀不自惜破膽與誰嘗

晚涼

晚涼庭院好風葉落先秋感爾蕭疎意添余浩蕩愁披襟怯  
兩當軒詩鈔卷三  
俗吏搥扇却平頭美滿今宵夢真輕萬戶侯

十三

答和維衍二首

連旬憶君得君問書意不盡繼以詩邇來吾子才大進但怪  
胡爾憤激爲冬烘一言進左右吾輩窮薄命所司風雲月露  
苦刻鏤元氣未必無虧遺從來才人感秋氣如豆合黃素染  
緇賦才如此窮尙爾此意未薄宜深思比聞亦作湖海計此  
我覆轍當鑿之鄉間嫖薄百無戀詎忘親鬢霜絲絲吹簫乞  
子行處有幸者得飽否尙饑年時我實深味此若復勸駕吾  
誰欺雖然窮蹙豈了事言之淚下如綆縻

我行繞江百向背未得徑渡波滔滔宣州十日解鞍卧又聽  
萬綠喧青朔當頭作劇趙眉日六十晝刻何迢迢知君憐我

有羸疾那禁觸熱如燐包濱江瘴濕更多厲遍體瘡潰流黃  
膏聞君亦復有同病當覓靜處勤爬搔不然世多嗜痂癖靈  
休膚剝愁難逃目前文戰有小敵好用全力前相慶舊穿楊  
葉更一試雖不得仙亦足豪莫言創瘢已竟體便氓得失如  
秋毫秋風轉眼蘓客困忍耐半月炎威敵百端瑣碎不堪說  
便望寄書慰鬱陶高秋恐我渡江去此時音問愁寥寥  
憶昔篇和趙味辛

晷吟憶昔篇憶昔慘行客天旋海水運六螭無停策但聞古  
來人言言悲在昔所過已異時所閱已陳迹莫吟憶昔篇達  
且長歎吁居者念在行行者不得居夜夢入飛谷冰炭同一  
爐何由一丸泥換此五色珠漫漫事長宴不聞晨啼烏烏啼

兩當軒詩鈔

卷三

十四

東方曙徘徊睇長路人非鹿豕羣那得長歡聚秋霜畏蘭摧  
歲寒愁桂蠹仰視若木光周天幾頽注吟吟憶昔篇憶昔知  
君心雲間落鸞歎海上聞風琴出山念小草出谷憐幽禽廣  
以及時樂勉以惜寸陰豈惟感在昔流眷乃及今憶昔復憶  
昔百年不盈瞬豈有金如山能鑄鏡中鬢且回魯陽戈且挽  
周穆駿聞闔轉眼開排闥望君進倘念蒿萊人更枉震聞訊  
宛溪行送稚存歸里

宛溪之水流湯湯夾岸古木陰清蒼澄潭激瀨數十里分明  
洗出詩人腸景梅亭子相望出都官祠墓埋荒涼當年詩老  
饑欲死損剝祿命爲文章七百年來無此作山川氣焰爲摧  
藏眼中人乃見吾子上下千古同低昂望氣已欲三舍避餘

力猶作千夫強古人但恨不我見那與世論爭蝸蟻因之亦  
復得窮理九命之說非荒唐終知鱗鬣合變化泥沙倔強不  
肯僵蛟螭糾結走字底騏驎束縛趨路旁對君自顧啞然笑  
只合披髮爲佯狂陰何齊譽秦竊據江蔡同郡慙雁行半年  
偕作楚尾客塵土面目如我黃名山夜雨幸相共百年此景  
奚能忘昨來一月宛陵住此都大好山水鄉君今忽忽有歸  
計縱爾小別愁茫茫如形逐影忽相失歸夢亦與征鴻翔清  
秋倚棹待君至高唱和入江天長

入市

生平入市視常仰謹詞往往愁官長喧填騶從除道來呼聲  
直欲綠雲上居者罷市行者停一一低欄過旌仗人多路窄

兩當軒詩鈔

卷三

五

卒難避頓觸淒涼勿時事蓬頭敝履書豔歸正值天寒凍消  
地道途中丞呵殿來失足墮溝顏死灰吞聲飲泣哭不得歸  
語阿母肝腸摧卽今依然窮乞骨那得車前八騶列此身憔悴  
甘已矣萬一宜酬親苦節前途且語車中人但逢小兒莫  
怒嗔家中各有堂上親更措雙眼勤物色此輩頭角難爲馴  
復得維衍書

不因離別苦那見舊交真老母傳言切啼兒入抱馴

時君過問家下

書開口口夜花寄草堂春等是饑驅者輸君耐久貧

連宵頻夢見呼我病瞿曇生計關商確詩歌著苦甘去魂迷  
海樹思淚滿江潭相望年如綺離傷果不堪

寄蔣耘庄

踪跡吟場半載同  
水西樓下別匆匆  
清狂好占溪頭月  
寥落應憐澤畔鴻  
屐齒青餘三逕草  
淚珠紅入半江楓  
酒痕檢點春衫在  
聚散渾疑一醉中

臥病宣城秋將至矣偶憶舊遊感而有作

憶昨湖口扁舟回  
雪山九道流皚皚  
半生哀樂一陶寫  
仍向空山嘶病馬  
西南枉欲窮天行  
潑墨惟盈斗分野  
謝公樓頭疊嶂橫  
六月卧聽寒蟲鳴  
雖云偃仰萬山裏  
耳邊隱隱風濤聲  
夏雲飄飄卷殘岫  
寥落長天映虛竇  
聽風在樹意已涼  
看月出嶺光如晝  
眼前恣意惟晏眠  
俯仰隨身屋數椽  
聊將破浪乘風意  
寫入鐘鳴落葉篇

雜詩

兩當軒詩鈔

卷三

六

軒屏夕涼動帷幙  
微風吹羣動本有息  
靜者心自知迎涼戀  
前除豫恐秋氣淒  
疎聲已在樹顧影猶  
榮滋萬物有同命  
先見爲之悲華心  
且未揜持此當贈誰

此時

此時持事至太不近  
人情新詠求工苦  
侏儒得飽榮如山  
文乍積似雪髯將成  
抱膝聊長歎猶能詠  
洛生

兩當軒詩鈔卷之四

武進 黃景仁 仲則著

長寧 趙希璜 渭川校

隴頭行贈王大之關中

隴坻之坂坂九回青天九折盤崔巍秦川萬里一回首歌聲  
日暮肝腸摧何人作歌心斷絕遊子魂消古離別隴頭水作  
東西流隴上人爲死生訣試問此情深幾許石上車輪窪尺  
五人間何處無關山盡道無如隴行苦折斷珊瑚七寶鞭未  
曾回首只行前生來不解消魂別愧爾關西俠少年

藥楂魚

卽琴高魚

琴溪春水唾凝片小魚針頭刺波面溪旁居人網及時不用

兩當軒詩鈔卷四

一

絲繩需尺絹盛來入盞水不分兩目黑星微可辨水鮮且可  
助茗具別張旗鼓供舌戰

涇縣人謂之茶魚

王餘白小精不如可憐

千頭未盈嚙相傳琴高跨鯉升藥鼎傾楂入波變先天本借  
金石精餘生乃比糟粕賤後時不得相隨仙雲中鷄犬徒相  
羨微名累雨及鎗鼎所喜流傳藝林遍桃花水過蒲蔣深及  
早消形付波練

詠史

洛陽賈亦奇男子東海人非渺丈夫任爾雄心包六合死生  
無那受人愚

華陰怪語甫經傳惡夢俄來滄海邊怨毒不分人鬼氣欲從

何處覓神仙

暮夜長鯨動玉鱗蘭池盜氣已無秦成名不及韓亡客絕勝  
荆軻一傳人

姜目毅墓

前代黃門塚土纍敬亭雲淨想鬢眉慟餘纒布懸頭下歸後  
襦卿告廟時君父之間心有諾滄桑而後爾何辭昨從念祖  
堂前過故老流傳尙有悲

回首橋陵涕淚渾渾艱難於此歛羈魂起家忠義田橫島蒿目  
興亡伍相門地下鐵衣新鬼戍生前坏土故君恩松楸幾點  
斜陽入絕似朝衫棒血痕

七月八日夜雨偶成

今年洗車雨應作洗塵看豈是分襟淚猶憐隔歲歡星光添

兩當軒詩鈔卷四

二

黯慘漢影助迷漫不寐懷兒女幽堂一夜寒

初九夜

拉雜雨聲收迢迢入夜愁送涼孤月皎得氣早蟲秋簞冷無  
人院箏殘何處樓紅墻高尺五盼斷玉繩流

秋夜

絡緯啼歇疎梧桐露花一白涼無邊纖雲微蕩月沉海列宿  
亂搖風滿天誰人一聲歌子夜尋聲宛轉空臺榭聲長聲短  
鷄續鳴曙色冷光相激射

烏棲曲

老烏守巢啼日暮雛不歸羽翼各自有知他何處飛

思舊篇

戊子己丑間屢客武林偕同人宴遊吳山酒樓踪跡居多  
酣嬉之樂彼一時也別來聞座中吳門蔣思睿天而勞謙  
叔亦卒於官感而賦此

五年浪跡辭吳山中猿鶴笑我頑追陪盡屬嵇阮侶別來  
霜雪周朱顏別後飄零斷書問怪事驚傳半疑信勞俎蔣天  
須臾間一作陳屍一行殯蔣生年紀二十餘兀兀抱經常守  
株要離塚畔一坏土誰信此才堪著書勞年四十遇尤舛水  
部一官名甫顯殘膏一爍旋收始歎文人得天淺蘭蕙兩  
兩遭風吹身後淒涼更可悲一生伯道傷無嗣四壁相如尙  
有妻青山牋稿半零落土花剝蝕無人知嗟我猶慙隻鷄奠  
豚豚淚痕空被面虛星耿耿夜臺長魂魄何曾夢中見反思  
兩當軒詩鈔卷四  
三

置酒吳山頭淋漓醉墨揮滿樓我時抱病將遠遊公等苦爲  
狂奴憂誰知揮手數年事而皆反真吾尙留我留斃叟更行  
役遊地追思徒歷歷何日同張竹下琴不堪更聽鄰家笛達  
觀我昔思莊生曾言死勝南面榮又聞栗里感栢下爲歡急  
急深杯傾昔人持論若矛盾乃今始得觀其平以生哭死死  
可惜無此一哭死亦得後先相送本斯須相看那得忘憂戚  
顧影臨風自歎吁故人楓葉共蕭疎若知鬼伯催人急好覓  
生存舊酒壚

雜感

抑情無計總飛揚忽忽行迷坐若忘遁擬鑿坏因骨傲吟還  
帶索爲愁長聽猿詎止三聲淚繞指將成百鍊鋼自傲一嘔

休示客恐將冰炭置人腸

歲歲吹簫江上城，西園桃梗託浮生。馬因識路真疲路，蟬到  
吞聲尚有聲。長鋏依人遊未已，短衣射虎氣難平。劇憐對酒  
聽歌夜，絕似中年以後情。

鴛眉火色負輪囷，臣壯何曾不若人。文倘有光真怪石，足如  
可折是勞薪。但工飲啖猶能活，尚有琴書且未貧。芳草滿江  
容我采，此生端合附靈均。

似綺年華指一彈，世途惟覺醉鄉寬。三生難化心成石，九死  
空營膽作丸。出郭病軀愁直視，登高白髮愧旁觀。升沉不用  
君平卜，已辦秋江一釣竿。

十四夜讌

兩當軒詩鈔

卷四

四

歌塲坐穩舞筵成，小部霓裳按奏清。半黍欲飄風更約，三絃  
初定月無聲。青春張緒臨風態，白髮何戡被酒情。識曲羣公  
敢多讓，不妨明日有狂名。

睡醒

不知明月生照窻，如白曉霜冷夜衾。單秋池夢空草

橫江阻風

洲若香消岸荻秋，離人虛繫五更舟。曉來誰唱橫江曲，惡浪  
無情也白頭。

重泊丹青山下

名山不我拒，一再逢諸塗。中隔千里道，相見仍如初。伊昔登  
絕巘，欲攬江天圖。豐堂冠山築，支羽羣靈趨。下盼吳楚交，雲

脚垂糝糊危樓一信宿佳境不可摹昨來五兩輕吹送茲山  
隅停漿岸莎積繫纜崖石枯有徑不能上佇望延須臾風日  
既暄美雲木交清疎文人六朝後彩筆流其映江山濶遠間  
古意相與俱涉境異今昔會理亦迥殊焉得携謝守永卜山  
中居

渡青弋江

羣山如結髻青青度陵陽山中水界途一葦茲用航錦石爨  
沙屑晴洲鬱蘭芳甫聆棹謳響勞躅泚已忘馬目眩水色客  
鬢愁波光人馬一時渡去路如川長

山中

忘山意已超有我心猶滯鳥語落檐花飄來著襟袂

兩當軒詩鈔 卷四

五

重過青陽

車檐卷朝日遙見九子山山容昔相識草草曾躋攀竟辜棲  
真願稍諳觸熱顏一髮塵累縛堅如繫天閑元關古蕩闌不  
知人自頑蹉跎百歲中沒齒皆等閒驅車過之去何時復來  
還

江館

賓館夢闌珊行程次第開新愁傾柏葉舊約撫刀環江上千  
帆雨淮南一桁山誰憐衰柳色憔悴不勝攀

渡江之皖城

船舫輕一葉橫渡正驚風去岸辭羅刹回帆揖皖公九江淮  
壘接一柱海門遙向想周公瑾當年作鎮雄

安慶客舍

月斜東壁影虛龕  
枕簟清秋夢正酣  
一樣夢醒聽絡緯  
今宵江北昨江南

余忠宣祠

至正國步何倉皇  
將軍許國驅堂堂  
生爲孝寬易易耳  
一死直是張睢陽  
妖星十丈橫軫翼  
兩淮東西已歸賊  
龍舒重鎮實彈丸  
賊畏將軍至  
傾國裹瘡前後數十戰  
漸見全城氣皆蠱  
蜂屯蟻聚當平明  
巷戰殺賊揮短兵  
賊酋大呼宜得生  
生當官汝付汝城  
將軍戟手指賊語  
死爲厲鬼當殺汝  
青萍三尺水一泓  
去此一步無死所  
將軍已死殉合門  
紛紛部曲呼其羣  
曰余將軍死死君我輩  
何忍辜將軍從而死者千餘人

兩當軒詩鈔

卷四

六

此千人者驅可戰  
寧死相從不生叛  
生得死力死得心  
將軍才大空古今  
用之乃副宣慰使  
國是披猖可知矣  
斗大城猶守六年  
百戰身經中三矢  
真人濠濮提劍來  
掃清六合浮雲開  
崇祠遣祭隆謚碧  
血靜掩蓬蒿堆  
靈風何事尙含怒  
應爲堦前老臣素  
嗚呼元亡尙有人  
盡如將軍元可存  
嗚呼安得如將軍

從陽

從陽歌盡水連天  
漢武旌旗在眼前  
草木似聞驚百戰  
魚龍何處徙重淵  
舳艫千里江雲散  
金碧三泉隧道遷  
只有射蛟臺畔立  
雄風猶爲相當年

皖城

古驛同安白浪邊東南形勢海關連風雲舊護龍潛地壁壘  
全增馬渡年斜日堠兵多被酒清時洲渚半成田回頭城郭  
晴如畫十里平江是鬣烟

貴游行

貴游誰家子驄馬驕馳騁朝入銅龍樓暮歸紫薇省盛滿不  
自持惡風吹夢醒照鏡鏡無頭披衣衣絕領可憐西市中輿  
咨尚修整白首誰同歸蕭蕭看日影生存骨髓枯濺血不盈  
頸當伊作吏時千軍告其猛眼見被收日曳曳勞尺綆觀者  
徒咨嗟誰與發深警

曉口

曉口征檣滿宜城晚渡稀蕭蕭候風色寂寂換涼衣雨際嘗

兩富軒詩鈔

卷四

七

沙狗潮頭望海稀自來諳水宿人景兩依依

道中秋分

萬態深秋去不窮客程常背伯勞東殘星水冷魚龍夜獨雁  
天高間闔風瘦馬羸童行得得高原古木聽空空欲知道路  
看人意五度清霜壓斷蓬

歸燕曲

玉露零階葉飄井巢燕差池去無影別路三千紫塞長秋風  
一夜烏衣冷可憐欲別更徘徊暮氣繁華眼倦開易主樓臺  
常似夢依人心事總如灰珠簾十二斜陽下凄涼幾閱派紅  
卸昔日拋花散綺筵此時掠草辭歌榭海國回頭霧百重可  
應魂戀舊房櫺玉尺臂冷紅絲斷神女釵鬢錦合空亦有江

南未歸客年年社日曾相識故家子弟半飄零蘆花滿地頭  
俱白朱雀橋邊伴伯稀鬱金堂上故巢非拋殘一樣新團扇  
辛苦三春舊舞衣感恩幾輩同關盼忍待明年更相見一任  
泥拋落月梁那堪門掩無人院伯勞東去雁南來百遍相呼  
誓不回天空各有低飛處不是同心莫浪猜

長風沙行

朝望長風沙夕望長風沙郎書前日到早晚下三巴巴歌易  
腸斷漢女嬌如花郎挾千金賞何如早還家去時明月珠團  
團入郎手郎歸向郎素猶在懷中否潯陽下湓浦湓浦多風  
潮將毋聽商婦夜夜鳴檀槽江稀舞斯風焦螟集斯雨郎行  
慣水程不用妾傳語低頭拜石尤無爲阻歸舟歸舟望不見  
兩當軒詩鈔卷四

八

江水

主客行

杯來何遲杯來何遲主人見之主人笑相告匪杯之遲而飲  
之速客起語主人主人切勿生怒嗔人生處世上奄忽如浮  
塵東家郎西家女晨考鐘夕伐鼓吾楚歌若楚舞人如龍騎  
如虎朝紅顏暮黃土朝紅塵暮白兩人生至此云胡不傷今  
夕何夕登君之堂登君之堂飲君酒願君子孫纍纍印若若  
綬客行干觴主人壽

不得將二書

漸寒江北地况奈晚愁何菰米沈雲盡蘆花作雪多因君阻

消息歎我滯風波可念衣單客天涯五字磨

登大觀亭

山色殊春秋江聲無晝夜佳哉皖公城山水莽雄跨障擁淮  
肥高勢與荆襄亞崇臺得壯觀迎曉足吁訝沿堤十萬戶屋  
氣相激射飛浪過檐頭轟雷聞枕罇回首皖公宅潑翠滿楹  
榭炊烟自成雲不與江流瀉龍爲澈夜吟鶴夢橫江化水寒  
沙淨閒茫茫感代謝得娟懷伯符升城緬興霸人雄及地勝  
憑陵不相下驚歎卷旌旗寒雲收叱咤徒令懷古心淹此趨

逢鴛

江上曉發

木蓮花望卸紅衣夾岸秋江碧四圍帆色正迎鴻雁至客程

兩當軒詩鈔

卷四

九

常背鷓鴣飛袖招獵獵江風滿鬢蒼濛濛水霧霏多少間情  
獨凝眺凌波羅襪想依稀

宿練潭用王文成韻

地因文成過此有澄潭  
潭爭加練之句得名

落日仰孤峯餘彩散遐甸裊裊川上霞潏洄映潭練環溪有  
十室初燈影成片明沙足夜光菰米足秋薦我來坐空館流  
翫樂幽便呼燈照塵壁懷曩倏驚羨當年荒僻區曾識巨人  
面愛此澄潭佳清詠百鍾鍊大名字宙垂餘力吟弄擅落落  
鴻雪踪搜別待來彥勳業夫何常成者天下見輾轉深宵中  
淚下零如霰

白沙嶺

嶺頭過征車來徃日萬計但碾石成沙難平山作地塵頭飛

起昏一山日暮不見飛鳥還一邱一壑有佳處何事作山當  
道路

桐城懷方仲履昆季

曾於官解識機雲感我風情似薄醺到枕岳鐘晨共被捲簾  
湘月夜添薰浴遊何處青驄騎醉墨猶存白練裙鎮日龍眼  
山翠裏獨吟秋樹不逢君

車中雜成

荒岡愁攬鬢衰柳鴈行邊石角疑掀地雲心欲竟天世途看  
馬耳骨相負爲肩行路多憔悴無爲獨黯然

新路如人面看來總不同轉山皆刮目得徑欲生風秋潦寒  
逾縮高原燒更空驢驢知我者詎肯老塵中

兩當軒詩鈔

卷四

十

卽目

迺程無計可停軒暮景蒼蒼野色繁破廟半將茅補屋秋墳  
多插紙爲幡似曾見影人投磧畧不聞聲鳥下原今日定知  
何處宿暝天漠漠對忘言

野店黃茅宿雨收夕陽帽影兩悠悠瓦盆酒熟香初透土壁  
蟲寒語漸休小草於人有同命遠山對我各驚秋奮飛常恨  
身無翼何事林鳥亦白頭

望霍山

漢武登封處千巖有勒銘東南天首柱風雨岳移靈雲接蒼  
梧白峯盤六蓼青銅鐘古文字可許叩幽扃

夜夢故人

半是離鄉半夢鄉西風捲葉夜鳴廊雲將隻影穿闌塞月與  
平生到屋梁珍重贈言多未解斯須携手亦何妨覺來枕上  
無乾處彷彿空簾去路長

春風怨

雲翹舞徹椒花筵東風昨夜來無邊吹成大地可憐色都道  
看春宜少年此時多少繁華地此時無限臨春思絳綃弟子  
平陽家綠幘厨人館陶第桂館銅鋪四望通濃粧台服出當  
風題來芍藥千花妬歌罷胭脂一部空沉沉萬戶歌鐘動春  
風未醒紅顏夢照鏡都誇城北徐窺臣亦有牆東宋惟有空  
闌黯自傷登樓終日尙凝粧奩中粉膩千行淚錦上文迴一  
寸腸關山蕩子空回首辛苦邊頭亦何有歲歲常悲死別離  
兩當軒詩鈔卷四

十一

年年不見春楊柳江南詞客更傷神望遠愁憑日暮塵啼鶯  
枉自思公子香草何曾見美人鶯飛草長誰爲主渺渺春江  
作歌苦一夜飄殘吳苑花五更捲散巫峯雨可憐東風作意  
吹可憐春去不勝惹人間無數閒哀樂若問春風那得知

得蔣良卿書知客池陽却寄並訂歲杪同歸

比年同學寡生色一一來作江干客昔時寄我當歸人今亦  
苦被饑寒迫拔劍寧與陽侯爭肯及牖鬼談生平採山探海  
各有路學亦何必東家成君家中表有好友兩年閒客醉杯  
酒擁鼻正賦懷君詩一封書來各搔首識舟亭北池口東其  
上九子繞雲峯君來此地有真敵沐浴山澗風江風遊同一  
方居同里作客天涯望吾子命駕猶懸兩地心飲馬只其一

江水晨颺吹警客苦悲披箋試問東歸期  
扁舟風雪歲云暮有心相待蘆之漪

頽口

賓鴻迎已盡而我去悠悠清頽霜前落  
長淮樹杪浮客魂迷下蔡地脉逼中州  
漸覺衣塵積休疑直北眸

舟次頽上

登艫不幾日忽落淮之西水汎性稍諳  
霜落望轉迷壽陽樹綿邈頽尾波潏  
漸蒲柳披已盡紛錯空烟堤渴來汲水  
飲水濁一斗泥物華感徂落風土悲難  
齊戀月入遶昔聽歌異前溪賞心不可  
卽行矣尚含悵

西湖

兩當軒詩鈔

卷四

七

我來頽尾已三月病餘不及西湖秋  
荒蒲委蔓風斷續烟曳白水差差浮  
醉翁髯翁去相踵斷碑零碣荒難求  
昔時賦詩傳盛事文獻相續誇雄州  
逢人只道此湖好簿書琴酒儕魚鷗  
竹西歌吹愛莫奪六橋烟雨難爭優  
人疑古人嗜好癖此論迂矣同刻舟  
達人醜難視身世典會偶寄思歸休  
終年娛老得地足邱壑何必常盈眸  
坡公兄是老龍象大千起滅同浮漚  
此間詎肯較鉅細亦如陽羨堪終留  
聚星堂客久星散此湖半亦更田疇  
秋來往往積滃涼高處得得驅耕牛  
若教麻姑海上見卽此亦是滄桑流  
柳亭蔡社共闢滅令人一一悲山脚  
吾曹淪落偶流寓姓名寂寞誰相收  
長揖公等起今日更放何人出一頭

順昌劉武穆祠

將軍節制趨東京正值北軍初敗盟妖風半道拔主帳投箸  
急起驅兼程鐵浮圖來驟如雨一軍倉皇夜叉舞却行一步  
辜國恩女兒磨刀男負土雲愁天黑雷電驚一百小兒吹器  
聲白袍太子齒欲裂索靴土馬來耀城長虹五道飲河下肉  
山自來填曠野平時人笑八字軍今日乃破拐子馬危城決  
捷百出奇姓名奚止驚兒啼不教長驅得留鎮邊馬誰敢窺  
淮西柘臯瓜步戰未已力疾猶聞拍刀起中興宿將更何人  
氣盡都亭看北使悲風蕭蕭潁水涓魂來戰處神鴉隨莫傷  
老去壯心負鄂國英雄更可悲

昭靈宮

在潁上坡詩一水  
環帶昭靈宮是也

兩當軒詩鈔

卷四

七

張公罷令宣城時一門皆龍人不知焦臺唾手起官殿飛麈  
排空人不見青綃繫巖來乖鱗隙地相借乃敢噴空中夜夜  
鬪且死五更還家喚龍子驅靈激靈鑿正酣元黃血中斃之  
天此時舉家飛上天至今廟食清潁邊呀然五穴五雲朵一  
出已潤淮西田虛堂神鬼晝陰悄羅拜時來白鬢老遠人長  
揖亦有求願得還家布帆好

